

證治準繩

八十八

拾函

一 調經門  
經候總論  
調經破血劑  
月水不利  
經閉

先期後期  
身痛 腹痛  
熱入血室  
調經平劑  
調經煖劑  
月水不斷  
胎前不止

漢書門	一	二	三	四	五	六	七	八	九	十
類	號	函	架	冊	冊	冊	冊	冊	冊	冊

內閣文庫	漢書	三九七
函	架	冊

內閣文庫	漢	12971
冊數	100	( 88 )
函號	301	60



Kodak Gray Scale  
A 1 2 3 4 5 6 M 8 9 10 11 12 13 14 15 B 17 18 19





經候總論

經期

經期

至任脉通大衝脉盛月事以時下天謂天真之氣癸  
 謂壬癸之水壬為陽水配丁而化木癸為陰水合戊  
 而化火故曰水火者陰陽之徵也女子陰類故得  
 癸焉衝為血海任主胞胎二脉流通經血漸盈應時  
 而下天真氣降與之從事故曰天癸也常以三旬一  
 見以像月盈則虧不失其期又名月信也若遇經行  
 最宜謹慎否則與產後證相類若被驚恐勞役則血



氣錯亂經脈不行多致勞瘵等疾若逆於頭面肢體之間則重痛不寧若怒氣傷肝則頭暈脇痛嘔血而瘰癧癰瘍若經血內滲則竅穴淋瀝無色凡此六淫外侵而變證百出犯時微若秋毫成患重如山岳可不畏哉 薛血者水穀之精氣也和調五臟灑陳六腑在男子則化為精在婦人上為乳汁下為血海故雖心主血肝藏血亦皆統攝於脾補脾和胃血自生矣凡經行之際禁用苦寒辛散之藥飲食亦然

良婦人月水不調由風邪乘虛客於胞中而傷衝任之脈損手太陽少陰之經蓋衝任之脈皆起於胞中

為經絡之海與手太陽小腸手少陰心經為表裏上為乳汁下為月水然月水為經絡之餘苟能調攝得宜則經應以時矣 薛經曰飲食入胃游溢精氣上輸於脾脾氣散精上歸於肺通調水道下輸膀胱水精四布五經並行東垣先生謂脾為生化之源心統諸經之血誠哉是言也竊謂心脾平和則經候如常苟或七情內傷六淫外侵飲食失節起居失宜脾胃虛損心火妄動則月經不調矣有先期而至者有後期而至者其說詳見後條蓋血生於脾土故云脾統血凡血病當用苦甘之劑以助陽氣而生陰血也



辨色辨經水者陰血也陰必從陽故其色紅稟火色也血為氣之配氣熱則熱氣寒則寒氣升則升氣降則降氣凝則凝氣滯則滯氣清則清氣濁則濁往往見有成塊者氣之凝也將行而痛者氣之滯也來後作痛者氣血俱虛也色淡者亦虛也而有水混之也錯經妄行者氣之亂也紫者氣之熱也黑者熱之甚也今人但見其紫者黑者作痛者成塊者率指為風冷而行溫熱之劑則禍不旋踵矣良由病原論月水諸病皆曰風冷乘之宜其相習而成俗也或曰黑北方水色也紫淡於黑非冷而何予曰經曰亢則害承

經色紫  
無為紫

乃制熱甚者必兼米化所以熱則紫甚則黑也况婦人性執而見鄙嗜欲加倍藏府厥陽之火無日不起非熱而何若曰風冷必須外得設或有之蓋千百二者也而冷證外邪初感入經必痛或不痛者久則鬱而變熱矣且寒則凝既行而紫黑故非寒也海四物加黃芩黃連湯 治經水如黑豆汁

四物湯 肆兩

黃芩

黃連

各壹兩

右為末醋糊丸服

丹月經黑口渴倦怠形短色黑脉不勻似數

赤芍藥

香附米

黃蘗

黃芩 各叁錢

甘草 貳錢

調經

大平

三



右為末醋糊丸白湯下五六十九

永康胡八娘子二十歲二月經事不來忽行小腹痛有塊血紫色

白芍藥

白朮

陳皮各半兩

黃芩

川芎

木通各貳錢

甘草少許

何儒人氣滯血澀脉不滑經不調或前或後紫色口苦兩大腿外麻木有時產生瘡大便秘滯

麻子仁

桃仁

芍藥各貳兩

枳殼

白朮

歸頭

威靈仙

訶子肉

生地黄

陳皮各伍錢

大黃煨赤錢

各為末粥丸如桐子大白湯下五六十九

丹經水色淡者氣血俱虛也宜八物湯之類八物者

四物四君子也如兼它證隨證加藥

樓婦人年四十八因有白帶口渴月經多初血黑色

後來血淡倦怠食少臍上急

白朮壹錢半

白芍藥

陳皮各壹錢

木通

枳殼

黃芩各伍分

縮砂仁

甘草各叁分

紅花壹許

經色淡為虛

周經

女科

三九



右煎湯下保和丸參拾九抑青丸貳拾九

審多少婦人病多是月經乍多乍少或前或後將發疼痛醫者不審一例呼為經病不知陽勝陰陰勝陽所以服藥無効蓋陰氣乘陽則包藏寒氣血不運行經所謂天寒地凍水凝成冰故令乍少而在月後若陽氣乘陰則血流散溢經所謂天暑地熱經水沸溢故令乍多而在月前當和血氣平陰陽斯為福也

當歸

微炒

地黃

酒蒸焙

川芎

當歸飲

抑陽助陰調理經脉

白朮

白芍藥

黃芩

各等分

每服參錢水一盞半煎至八分空心温服

陰勝陽月候少者七沸湯

七沸湯 治榮衛虛經水愆期或多或少腹痛

當歸

川芎

白芍藥

蓬朮

熟地黃

川薑

木香

各等分

每服肆錢水一盞半煎至八分温服

經水過多為虛熱為氣虛不能攝血

海四物加黃芩白朮湯 治經水過多

調經

六事

日



四物湯 肆兩

黃芩

白朮 各壹兩

丹經水過多八

黃芩 炒

芍藥 炒

龜板 炙各壹兩

椿樹根皮 柒錢

黃蘗 炒叁錢

香附 貳錢半

右為朱酒糊丸空心白湯下五六十九

丹一婦人脉弦而大不數形肥初夏時倦怠月經來

時多此稟受弱氣不足攝血故行多

白朮 壹錢半

黃芪 生

陳皮 各壹錢

人參 伍分

甘草 炙叁分

經水澀少為虛為澀虛則補之澀則濡之

海四物加葵花湯

治經水澀少

四物湯 肆兩

葵花 壹兩

一方又加紅花血見愁

四物湯加熟地黃當歸湯治經水少而色和

四物湯 肆兩

熟地黃

當歸 各壹兩

脉師曰有一婦人來診言經水少不如前者何也師

曰曾更下利若汗出小便利者可何以故師曰以其

津液故令經水反少設經下多於前者當所苦困當

言恐大便難身無復汗也

先期後期王子亨曰經者常候也謂候其一身之陰

陽愆伏知其安危故每月一至太過不及皆為不調



陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致  
 丹經不及期者血熱四物湯加黃連 肥人不及日數而多痰者血虛有熱南星白朮蒼朮黃連香附川芎作丸  
 薛先期而至者 有因脾經血燥者宜加味道遙散 有因脾經鬱滯者宜歸脾湯  
 有因肝經怒火者宜加味小柴胡湯 有因血分有熱者宜加味四物湯  
 因勞役火動者宜補中益氣湯 勞倦門 有先期湯 治經水先期而來宜涼血固經

生地黄

川當歸

白芍藥

各貳錢

黃檗

知母

條芩

黃連

川芎

阿膠

炒各捌分

艾葉

香附

炙甘草

各柒分

水二鍾煎一鍾食前溫服

金匱土瓜根散

治帶下經水不利小腹滿痛經一月再見者

土瓜根

芍藥

桂枝

麋蟲

各柒錢半

右四味杵為散酒服方寸匕日三服



按仲景此方乃破堅下血之劑則經不及期有汗血者矣前論所未及也欲知汗血有無須以小腹滿痛與不滿痛別之

過期丹經水過期血少川芎當歸人參白朮與痰藥過期色淡者痰多也二陳湯加芎歸過期色紫有塊血熱也必作痛四物湯加香附黃連薛過期而至者有因脾經血虛者宜入參養榮湯有因肝經血少者宜六味地黃丸有因氣虛血弱者宜八珍湯三方並見雜病虛勞門過期飲治經水過期不行乃血虛氣滯之故法當

補血行氣

熟地黃

香附各貳錢

桃仁泥陸分

甘草

水二鍾煎一鍾食前溫服

滋血湯治婦人心中肺虛損血脈虛弱月水過期

人參

白茯苓去皮

白芍藥

白芍藥

川芎壹錢

蓬莪茂

肉桂各肆分

山藥

川芎

熟地黃各壹錢半

當歸

紅花柒分

木通各伍分

黃芪各壹錢

當歸



三月一  
來為居  
經

右作一服木二鍾煎至一鍾食前服

脉師曰脉微血氣俱虛年少者亡血也乳子下利為  
可否者此為居經三月一來師曰寸口脉微而澀微  
則衛氣不足澀則血氣無餘衛不足其息短其形躁  
血不足其形逆榮衛俱虛言語謬誤跌陽脉浮而澀  
澀則衛氣虛虛則短氣咽燥而口苦胃氣澀則失液  
少陰脉微而遲微則無精遲則陰中寒澀則血不來  
此為居經三月一來問曰婦人妊娠三月師脉之  
言此婦人非軀今月經當下其脉何類何以別之師  
曰寸口脉衛浮而大榮反而弱浮大則氣強反弱則

今字異本氣作

養血

少血孤陽獨呼陰不能吸二氣不停衛降榮竭陰為  
積寒陽為聚熱陽盛不潤經絡不足陰虛陽往一作實  
故令少血時發洒淅咽燥汗出或溲稠數多唾涎沫  
此令重虛津液漏泄故知非軀畜煩滿血月稟一經  
三月一來陰盛則瀉名曰居經謂右脉浮大  
左脉反弱也

調經平劑簡易方當歸散

治經脉不勻或三四月

當歸

川芎

白芍藥

黃芩

白朮

山茱萸肉

右為細末空心温酒調下貳錢日三服如冷去

調經

女科一

四



黃芩加肉桂壹兩

人參養血丸劑和治女人稟受素弱血氣虛損常服

補衝任調經候暖下元生血氣

烏梅肉叁兩熟地黄伍兩當歸貳兩

人參壹兩川芎壹兩赤芍藥壹兩

蒲黃炒各壹兩

右為細末煉蜜丸梧子大每服八十九温酒米飲

任下

逍遥散劑和治血虛煩熱月水不調臍腹脹痛痰嗽

潮熱

當歸

白朮

白芍藥

柴胡

茯苓各壹兩

甘草半兩

右咬咀每服半兩入薑薄荷葉煎服

薛新甫加牡丹皮山梔炒各伍分名加味逍遥散

神巧萬全方無當歸芍藥甘草有人參黃芪各等

分

增損四物湯治月事不調心腹疼痛補血温經注

顏

川芎

當歸

芍藥

熟地黄

牡丹皮

白朮各壹錢半

調經

女科

四十五



地骨皮 壹錢

右作一服用水二鍾煎至一鍾食前服

濟生方論曰內經云百病皆生於氣經有所謂七氣有所謂九氣喜怒哀思悲恐驚者七氣也七情之外益之以寒熱二證而為九氣也氣之為病男子婦人皆有之惟婦人血氣為患尤甚蓋人身血隨氣行氣一壅滯則血與氣併或月事不調心腹作痛或月事將行預先作痛或月事已行淋瀝不斷心腹作痛或遵腰脇或引背脊上下攻刺吐逆不食甚則手足搐搦狀類驚癇或作寒熱或為癥瘕肌肉消瘦非特不

能受孕久而不治轉而為瘵疾者多矣

戴復菴云婦人每日經水應期而下不使有餘猶太陰之缺也其有或先或後或少或多或欲來先病或遇來而斷續皆謂之不調和氣飲加香附子半錢兼

升麻和氣飲 見雜病水腫門

澹寮煮附丸 治經候不調血氣刺痛腹脇膨脹頭

暈惡心崩漏帶下並宜服之

香附子 擦去皮不以多少米醋浸

右醋糊為丸梧子大日乾每五十九丸淡醋湯下

調經

女科

四二



詩經

卷和

四

一方香附壹斤艾葉肆兩當歸貳兩製同名艾附

丸下

沉香降氣散 順氣道通血脉

烏藥

木香

香附子

縮砂仁

甘草

各等分

右為細末每服貳錢空心鹽湯調下

嚴氏抑氣散 治婦人氣盛於血變生諸證頭暈膈

滿

香附子

肆兩

茯苓

甘草

各壹兩

陳皮

貳兩

右為末每貳錢食前沸湯調下

紺珠正氣天香湯 治婦人一切氣氣上湊心

攻築脇肋刺痛月水不調

台烏藥

貳錢

香附子

捌錢

陳皮

蘇葉

各壹錢

乾薑

半錢

右吹咀每七八錢水煎服

右抑氣例 煮附丸醋製佐以當歸則氣中之血

藥也今世以童便酒醋鹽水四製而以四物佐之

皆本於此人人知之故不著 氣鬱多者宜於雜

病氣證門中選用不必拘此

調經

水料

四



補氣

東垣益胃升陽湯

治婦人經候不調或血脫後脉

弱食少水泄日二三行

黃芪 貳錢

白朮 壹錢

炒麴 壹錢半

當歸身

陳皮

炙甘草

人參 各壹錢

升麻

柴胡 各半錢

黃芩 半錢

秋去之

右咬咀每服半兩水煎腹痛加芍藥嗽去人參

補中益氣湯

治婦人室女經候不調脉微食少體

倦或熱

方見雜病首冊勞倦門

四君子湯

六君子湯

方見雜病首冊虛勞門

右補氣例

調經緩劑

大溫經湯

貴金

治衝任虛損月候不調或

來多不已或過期不行或崩中去而過多或經損

娠瘀血停留小腹急痛五心煩熱並皆治之

吳茱萸 湯泡

牡丹皮

白芍藥

肉桂 去麤皮

人參

當歸 去麤

芎藭

阿膠 碎炒

甘草 炙各壹錢

麥門冬 去心

貳錢

半夏 貳錢半

右作一服用水二鍾生薑五片煎至一鍾食前服

小溫經湯

易簡

治經候不調血臟冷痛

調經

治經

治經



當歸

附子

炮各等分

右咬咀每服參錢水一盞煎捌分空心温服

温經湯和劑治婦人血海虛寒月水不調

川芎

當歸

芍藥

蓬朮

各壹錢半

人參

牛膝

各貳錢

桂心

牡丹皮

各壹錢

甘草

半錢

水二鍾煎至一鍾不拘時服

滋血湯 滋養榮血補婦人治血海久冷

當歸

壹錢半

川芎

麥門冬

去心

牡丹皮

人參

芍藥

琥珀

另研各壹錢

半夏麴

官桂

阿膠

炒

酸棗仁

甘草

各半錢

右作一服水二鍾生薑三片煎至一鍾食前服

加味吳茱萸湯 治衝任衰弱月候愆期或前或後

或崩漏不止赤白帶下小腹急痛每至經脉行時

頭眩飲食或少氣滿心怯肌肉不澤悉皆治之

半夏

貳錢

吳茱萸

當歸

各壹錢半

麥門冬

去心

乾薑

白茯苓

苦梗

南木香

防風

牡丹皮

甘草

各壹錢

官桂



北細辛 各半錢

右作一服水二鍾生薑三片紅棗一枚煎至一鍾食前服

桃仁散 治婦人月水不調或淋瀝不斷斷後復來狀如瀉水四體虛倦不能飲食腹中堅痛不可行動月水或前或後或經月不來多思酸物

桃仁 半夏 當歸

川牛膝 桂心 人參

蒲黃 牡丹皮 川芎

澤蘭葉 各壹錢 赤芍藥 生地黄 各壹錢

粉草 半錢

右作一服水二鍾生薑三片煎至一鍾食前服

薑黃散 治血臟久冷月水不調臍腹刺痛

薑黃 片子者 白芍藥 各貳錢 玄胡索

牡丹皮 當歸 各壹錢半 蓬朮

紅花 桂心 川芎 各壹錢

右作一服水二鍾酒半鍾煎至一鍾不拘時服

紫石英 本 治婦人病多是月經乍多乍少或前或

後時發疼痛醫者一類呼為經病不曾說是陰勝

陽是陽勝陰所以服藥少效蓋陰氣乘陽則胞寒



氣冷血不運行經所謂天寒地凍水凝成冰故令  
乍少而在月後若陽氣乘陰則血流散溢經所謂  
天暑地熱經水沸溢故令乍多而在月前當別其  
陰陽調其血氣使不相乘以平為期宜服此丸

紫石英

細研水飛

川烏

炮

杜仲

炒去絲

禹餘糧

煨醋

遠志

去心

澤瀉

桑寄生

桂心

龍骨

別研

當歸

人參

肉蓯蓉

酒浸

石斛

乾薑

炮

五味子

甘草

炙各壹兩

牡蠣

煨

川椒

去目并合口者不用

炒出汗各半兩

右為細末煉蜜和丸如梧桐子大每服二十九食  
前用米飲湯下

暖宮丸

治衝任虛損下焦久冷月事不調不成孕

育崩漏下血赤白帶下並皆治之

生硫黃

陸兩

赤石脂

火煨

海螵蛸

附子

炮去皮臍各叁兩

禹餘糧

炮兩火

右為細末醋糊為丸如梧桐子大每服三十九空  
心用溫酒或醋湯送下

內補當歸丸

治血氣虛損月水不調或崩中漏下

調經

女科

二二一



去血過多肌體羸困及月水將行腰腿重痛並皆治之

當歸去蘆炒

阿膠炒

白芷

續斷

乾薑炮

芎藭

甘草炙各肆兩

熟地黃半兩焙

附子炮去皮臍

白芍藥

肉桂各貳兩

吳茱萸湯泡焙

白朮各叁兩

蒲黃搗錢炒

右為細末煉蜜和丸如梧桐子大每服五十九空心用溫酒送下

熟乾地黃丸 治婦人風虛勞冷胃弱水穀不化或

腸虛受冷大便時泄或月水不調淋瀝不止或閉斷不通結聚癥瘕久不成胎一切諸虛之證

熟地黃

五味子各壹兩半

栝子仁炒另研

牛膝去苗酒浸焙

芎藭

禹餘糧火煨去醋淬

白茯苓去皮

肉蓯蓉酒浸

卷栢去根

山藥

厚朴去麤皮製

乾薑炮

白芷

細辛去苗

防風已上各壹兩

赤石脂貳兩煨另研

杜仲去麤皮炙

蕪荑炒

人參去蘆

川椒去目并合口者

蛇床子

艾葉炒

續斷各柒錢半

紫石英煨另研水飛



石膏

煨另研各參兩

當歸

去蘆炒

澤蘭

去梗

官桂

去麝皮各貳兩貳錢半

石斛

壹兩壹錢半

甘草

炙壹兩柒錢半

右為細末煉蜜為丸如梧桐子大每服五十九空心用溫酒或米飲送下

禹餘糧丸

治血虛煩熱月水不調赤白帶下漸成崩漏

禹餘糧

火煨醋碎

白石脂

各壹兩

附子

炮去皮臍

鼈甲

去羣醋炙

桑寄生

白朮

厚朴

去麝皮製

當歸

去蘆

柏葉

炒

乾薑

炮各壹兩

白芍藥

狗脊

去毛各柒錢半

吳茱萸

湯泡焙半兩

右為細末煉蜜和丸如梧桐子大每服五十九空心用溫酒或米飲湯送下

鹿茸丸

治衝任虛損又為風寒所乘尺脉微小甚者可灸關元穴

鹿茸

炙

赤石脂

禹餘糧

各壹兩

續斷

貳兩

柏葉

附子

炮

熟地黃

當歸

酒浸

艾葉

各柒錢半

右為末酒糊丸梧子大每服五十九空心溫酒下按此足少陰厥陰藥也今人多用之故收入治血



調經

虛濕勝帶下甚捷

升陽舉經湯東垣治經水不調右尺脉按之空虛是氣血俱脫大寒證輕手其脉數疾舉指弦緊或澀皆陽脫之證陰火亦亡見熱證於口鼻眼或濁此皆陰躁陽欲去也當溫之降之引之燥之此法大升浮血氣補命門之下脫也諸藥言根近留處去留便是

柴胡根

當歸根

白朮

黃芪 各叁錢

藁本 去七

羌活根

防風根 各貳錢

紅花

白芍藥 各伍分

獨活根 壹錢半

桃仁 去皮尖研拾枚

細辛 陸分

川芎

熟地黃 水半

人參 去蘆

黑附子 炮去皮臍

甘草 稍炙各壹錢

肉桂 去麋皮秋冬伍分夏不用

右為麤末每服貳錢水二盞煎至八分空心稍熱服

調經破血之劑 紅花當歸散

治婦人血臟虛弱或

積瘀血經候不調或斷續不定時作腹痛腰將重疼攻刺小腹緊硬及室女月水不通並皆治之

紅花

紫葳

牛膝

白芷

蘇木 槌碎各壹錢

桂心 壹錢半

調經

卷十一

五十二



當歸尾 劉寄奴各錢 赤芍藥 各錢

甘草 半錢

右作一服米一鍾酒一鍾同煎至一鍾空心服

大玄胡索散 治婦人經病并產後腹痛或腹滿喘

悶或癥瘕癖塊及一切心腹暴痛

玄胡索 赤芍藥 川棟子 去核

蓬莪朮 京三稜 煨 厚朴 黃薑製

當歸 黃芩 川芎

桔梗 檳榔 各壹錢 木香

官桂 去麤皮 甘草 各半錢 大黃 貳錢

右作一服米二鍾煎至一鍾食前服

鼈甲丸 治婦人月經不調肌肉黃瘁脇下積氣結

痛時發刺痛漸成勞狀

鼈甲 去殼炙 桂心 三稜 醋煮

牡丹皮 牛膝 去苗 琥珀

訶子 取肉 菝葜 去皮尖雙 土瓜根

大黃 煨已上

右為細末煉蜜為丸如梧桐子大每服十五丸食

前用桃仁湯送下

針灸 心月經不調 陰獨 三分此穴大効須待經定



東又法內踝下白肉際青脉上灸隨年壯

集又法中極三陰交腎俞氣海

心經閉久忽大崩復又斷絕復又大行不調者豐

隆六分石門五分

婦人五旬經斷後再行或多或少或癆或紅並下腹

中氣滿如胎孕天樞中脘氣海各五分

甲婦人漏下苦血閉不通逆氣脹血海主之立愈女子

胞中痛月水不以時休止天樞主之千金作腹脹腸鳴氣上衝胸

小腹脹滿痛引陰中月水至則腰脊痛胞中痕子

門有寒引臏髀水道主之千金引臏髀作大小便不通

產寶經水者行氣血通陰陽以榮於身者也氣

血盛陰陽和則形體通或外虧衛氣之充養內乏榮

血之灌溉血氣不足經候欲行身體先痛也

越痛散治血氣虛寒身體作痛

虎骨伍銖 茯苓 甘草

藁本 防風 白芷

當歸 芍藥 續斷

白朮 附子各叁銖

右為麤末每服五錢水二盞薑五片棗二枚煎至

一盞不拘時服



腹痛良婦人經來腹痛由風冷客於胞絡衝任或傷  
手太陽少陰經用溫經湯桂枝桃仁湯若憂思氣鬱  
而血滯用桂枝桃仁湯地黃通經丸方見經閉若血結而  
而成塊用萬病丸薛前證若風寒傷脾者六君子  
加炮薑方見雜病虛勞思慮傷血者四物加參朮方見雜病虛勞思  
慮傷氣者歸脾加柴梔方見雜病健忘鬱怒傷血者歸脾道  
遙兼服餘參前後論治之戴經事來而腹痛者經  
事不來而腹亦痛者皆血之不調故也欲調其血先  
調其氣四物湯加吳茱萸半錢香附子壹錢和氣飲  
加茱萸半錢亦可用痛甚者玄胡索湯然又恐感外

邪傷飲食致痛痛不因血尤宜詳審和氣飲却龍兼  
治因冷而節因節而痛宜大溫經湯冷甚者去麥門  
冬不用  
丹抑氣丸治臨經之時腹痛以四物湯加玄胡索陳  
皮牡丹皮甘草痛甚以豆淋酒痛少以童便煮香附  
入條芩為丸經水將來而痛者四物湯加桃仁香附  
黃連  
海八物湯 治經事將行臍腹絞痛臨經痛者血澀  
故也

川芎 貳錢  
當歸  
芍藥

經行時  
痛為滯



熟地黄 各壹錢 木香 檳榔

玄胡索 苦棟 碎炒焦 各壹錢

右作一服水二鍾煎至一鍾食前服

本治婦人月經壅滯每發心腹臍疔痛不可忍及治產後惡露不快血上搶心迷悶不省氣絕欲死者

京三稜 蓬莪朮 赤芍藥

劉寄奴 牡丹皮 熟地黄

官桂 菊花 真蒲黃

當歸 各壹兩 濟生方無菊花蒲黃有玄胡索烏

藥

右前五味用烏豆一升生薑半斤切片米醋四升同煮豆爛為度焙乾入後五味同為末每服二錢溫酒調下空心食前服一方不用菊花蒲黃用烏藥玄胡索亦佳予家之秘方也若是尋常血氣痛只一服產後血衝心二服便下常服尤佳予前後救人急切不少此藥亦宜多合以濟人

天交加散 治榮衛不和月經湛濁逐散惡血腹痛經血諸疾並皆治之

生薑 貳斤搗取汁存滓用 生地黃 貳斤取汁存滓 白芍藥



當歸

桂心 各壹兩

紅花 炒無惡

沒藥

另研各

玄胡索

醋紙包煨熟用布擦去皮

蒲黃

隔紙炒各壹兩

右將地黄汁炒生薑滓生薑汁炒地黄滓各焙乾

用諸藥為細末每服三錢溫酒調下若月經不

依常蘇木煎酒調下若腰痛糖酒調下

交加地黄丸 治婦人經不調血塊氣痞肚腹疼痛

生地黄

搗汁存滓

老生薑

搗汁存滓各壹斤

玄胡索

當歸

川芎

芍藥

各貳兩

明沒藥

木香

各壹兩

桃仁

去皮尖

人參

各半兩

香附

半斤

右為末先以生薑汁浸地黄滓以地黄汁浸生薑

滓晒乾皆以汁盡為度共十一味作一處晒乾研

為末醋糊為丸空心以薑湯下

大交加散 治婦人榮衛不通經脉不調腹中撮痛

氣多血少結聚為癥產後中風

生地黄

生薑

各伍兩各研取汁

右交互取汁浸一夕各炒黃漬汁盡為度末之尋

常腹痛酒調下三錢產後尤不可闕

溫經湯

方見前

周經

女科

五九



雲桂枝桃仁湯 治經候前腹痛不可忍

桂枝 芍藥 生地黃 各貳兩

桃仁 肆拾枚 甘草 壹兩

右為麤末每服五錢水二盞薑三片棗一枚同煎

去滓溫服

玄胡索湯 治婦人室女七情傷感遂使血與氣併

心腹作痛或連腰脇或引背脊上下攻刺甚作擗

搦經候不調但是切血氣疼痛並可服之

當歸 玄胡索 蒲黃 炒

赤芍藥 官桂 片子薑黃 洗

乳香 沒藥 木香 各壹錢

甘草 炙貳錢半

右吹咀每服四錢水一盞半生薑七片煎至七分  
去滓食前溫服 吐逆加半夏橘紅各半兩

丹瘀血

香附子 桃仁 牡丹皮

大黃 當歸 川芎

紅花 瓦龍子 煨醋煮一

一右炊餅為丸空心溫酒下三四丸

三神丸 治室女血氣相搏腹中刺痛痛引心端經

周經

女科

六十一



行澀少或經事不調以致疼痛

橘紅 貳兩

玄胡索 去皮醋煮

當歸 去蘆酒浸到略炒各壹兩

右為細末酒煮米糊為圓如梧桐子大每服七十圓加至百圓空心艾湯送下米飲亦得

垣柴胡丁香湯 治婦人年三十歲臨經預先臍腰痛甚則腹中亦痛經縮二三日

柴胡

羌活

丁香

全蝎

當歸身

生地黄

右都作一服水四盞煎至二盞去香稍熟食前服沒藥除痛散 逐寒邪瘴腹痛

蓬朮 炮壹兩

當歸 焙

玄胡索

五靈脂

肉桂 去麁皮

良薑 炒

蒲黃 炒

甘草 炙

沒藥 各半兩

右為末每服五錢温酒調服

婁一婦人三十歲每因浴後必用冷水淋通身又嘗大驚遂患經來時必先少腹大痛口吐涎水然後經行行後又吐水二日其痛直至六七日經水止時方任百藥不効予診其脉寸滑大而弦關尺皆弦大而急尺小於關關小於寸所謂前大後小也遂用香附參兩半夏貳兩茯苓黃芩各壹兩半枳實玄胡牡丹



皮人參當歸白朮桃仁各壹兩黃連柒錢川棟遠志  
甘草各半兩桂叁錢茱萸壹錢半分十五貼水煎入  
生薑汁兩蜆殼熟服後用熱湯洗浴得微汗乃已忌  
當風坐臥手足見水并喫生冷服三十貼全愈半年  
後又因驚憂前病復舉腰腹時痛小便淋閉心惕惕  
跳驚悸予意其表已解病獨在裏先與灸少衝勞官  
崑崙三陰交止悸定痛次用桃仁承氣大下之下後  
用香附叁兩蓬朮當歸身各壹兩半三稜玄胡索桂  
大黃青皮俱醋制青木香懷香滑石木通桃仁各壹  
兩烏藥甘草縮砂檳榔苦楝肉各半兩木香吳茱萸

各貳錢分作二十貼入新取牛膝濕者貳錢生薑五  
片用荷葉湯煎服服訖漸安

右行血例

加味烏沉湯

治婦人經水欲來臍腹疔痛

烏藥

縮砂

木香

玄胡索

各壹兩

香附

炒去毛 貳兩

甘草

壹兩半

右細剉每服七錢水三盞半生薑三片煎至七分

不拘時溫服

右抑氣例

薛一婦人經行腹痛食則嘔吐肢體倦怠發熱作渴

調經

女科一

六十二



此乃素稟氣血不足用八珍湯二十餘貼而愈後生子二年而經不行前證仍作服八珍湯逍遙散百餘劑方愈八珍湯即雜病虛勞門人物湯

右補虛例

汪一婦人瘦小年二十餘經水紫色或前或後臨行腹痛惡寒喜熱或時感寒腹亦作痛脉皆細濡近滑兩尺重按略洪而滑此血熱也或謂惡寒如此何謂為熱曰熱極似寒也遂用酒煮黃連肆兩香附歸身尾各貳兩五靈脂壹兩為末粥丸空腹吞之而愈一婦年二十一歲六月經行腹痛如刮難忍求死脉

得細軟而駛尺則沉弱而近駛汪曰細軟屬濕數則為熱尺沉屬鬱滯也以酒煮黃連半斤炒香附陸兩五靈脂半炒半生叁兩歸身尾貳兩為末粥丸空心湯下三四錢服至五六料越九年得一子又越四年經行兩月不斷腹中微痛又服前丸而愈續後經行六七日經止則流清水腹中微痛又服前丸而痛亦止又經任只有七八日若至行時或大行五六日續則適來適斷或微紅或淡紅行後常流清水小腹大痛漸連遍身胸背腰腿骨裏皆痛自已至酉乃止痛至則遍身冷熱汗大出汗止痛減尚能飲食自始痛至



今歷十五年前藥屢服屢效今罔効者何也汪復診  
之脉皆洪滑無方幸其尚有精神汪曰此非舊日比  
矣舊乃鬱熱今則虛寒東垣曰始為熱中終為寒中  
是也經曰脉至而從按之不鼓乃陰盛隔陽當作寒  
治且始病時而形斂小今則形肥大矣醫書曰瘦人  
血熱肥人氣虛豈可同一治耶所可慮者汗大泄而  
脉不為汗衰血大崩而脉不為血減耳其痛日重夜  
輕知由陽虛不能健運故亦凝滯而作痛以證參脉  
宜用助陽若得脉減痛輕方為佳兆遂投參芪歸朮  
大劑加桂附一貼來早再診脉皆稍寧服至二三十

貼時當二月至五月病且愈蓋病有始終寒熱之異  
藥有前後用舍不同形有肥瘦壯少不等豈可以一  
方而通治哉

丹經過後而作痛者乃虛中有熱所以作痛

新荷姐頭痛口乾經行後身痛腰甚痛

生地黄

白朮

芍藥 各壹錢

芎藭

歸身尾

各伍分

黃蘗 炒

甘草

炙各叁分

右用水入少酒煎服

按經後腹痛為虛明甚若脉不數證無顯熱未可  
斷其為熱也無熱八珍為宜有熱逍遙為宜



右寒熱例

發熱 吳茱山治一婦經血過多五心煩熱日晡潮熱諸藥不効以四物加胡黃連三服而愈 薛新甫治一婦人發熱口乾月經不調兩腿無力服祛風滲濕之劑腿痛體倦二膝浮腫經事不通薛作肝脾腎三經血虛火燥證名鶴膝風用六味八味二丸兼服兩月形體漸健飲食漸進膝腫漸消不半載而痊前證若脾腎虛寒腿足軟痛或足膝枯細用八味丸若飲食過多腿足或臂內痠脹或浮腫作痛用補中益氣加茯苓半夏主之 一婦人經候過期發熱倦怠或

用四物黃連之類及兩月一度且少而成塊又用峻藥通之兩目如帛所蔽薛曰脾為諸陰之首目為血脉之宗此脾傷五臟皆為失所不能歸于目矣遂用補中益氣濟生歸脾二湯專主脾胃年餘尋愈 一婦人月事未期而至發熱自汗服清熱止汗之劑反作渴頭痛手掉身麻此因用經風熱用柴胡炒苓連炒山梔歸芍生地丹皮各壹錢參芪苓朮各壹錢伍分川芎七分甘草五分一劑其汗全止更以補中益氣而愈凡發熱久者陽氣亦自病須調補之 一婦人氣血素虛經行不調飲食少思日晡熱甚用十全

調經

卷十一

三五



來字一本來作

大補加山茱萸山藥丹皮麥門冬五味子而愈次年  
秋患寒熱或用清脾飲而元氣愈弱仍以前藥而愈  
一婦人素勤苦冬初患咳嗽發熱久而吐血盜汗  
經水兩三月一至遍身作痛或用化痰降火藥口噤  
筋攣此血虛而藥益損耳用加減八味丸及補中益  
氣加來門五味山藥治之年餘而痊  
寒熱經水適來適斷者或有往來寒熱者先服小柴  
胡湯以去其寒熱後以四物湯和之  
本婦人血脈不調往來寒熱狀如勞倦

當歸

川芎

甘草

黃芪

官桂

熟地黃

白朮

白芍藥

柴胡

阿膠

各半兩

為細末每服五錢棗一枚水煎空心溫服白湯點  
服亦得常服不生帶下調血脈養子宮終身無病  
太倉公治一女病腰背痛寒熱眾醫皆以為寒熱也  
公診之曰內寒月事不下也即竄以藥旋下病已病  
得之欲男子不可得也所以知其病者診其脉時切  
之腎脉也嗇而不屬嗇而不屬者其來難堅故曰月  
不下肝脉弦出左口故曰欲男子不可得也蓋男子

調經

女科

六十一



以精為主婦人以血為主男子精盛則思室女子月  
盛則懷胎夫肝攝血者也厥陰弦出寸部又上魚際  
則陰血盛可知矣別詳師尼薛新甫治一婦人耳  
內或耳後項側作痛寒熱口苦月經不調此肝火氣  
滯而血凝用小柴胡加山梔川芎丹皮治之諸證悉  
退月事不行而寒熱者詳經閉門

**熱入血室**良婦人傷寒傷風發熱經水適來晝則安

靜暮則譫語有如癡狀此為熱入血室治者無犯胃  
氣及上二焦宜服小柴胡湯若脈遲身涼當刺期門  
穴下針病人五吸停針良久徐徐出針凡針期門穴

必瀉勿補肥人二寸瘦人寸半也薛前證若因勞

役或怒氣發熱適遇經行而患前證者亦用小柴胡  
湯加生地黃治之血虛用四物加柴胡若病既愈而  
熱未已或元氣素弱竝用補中益氣湯脾氣素鬱用  
濟生歸脾湯血氣素虛用十全大補湯許學士治

一婦人病傷寒發寒熱遇夜則如見鬼狀經六七日忽  
然昏塞延響如引鋸牙關緊急瞑目不知久病勢危  
困許視之曰得病之初曾值月經來否其家云經水  
方來病作而經遂止得一二日發寒熱晝雖靜夜則  
有鬼祟從日昨不省人事許曰此乃熱入血室證仲



景云婦人中風發熱惡寒經水適來晝則明了暮則  
讖語如見鬼狀發作有時此名熱入血室醫者不曉  
以剛劑與之遂致胸膈不利涎潮上脫喘急急高昏  
冒不知人當先化其痰後除其熱乃急以一呷散投  
之兩時頃涎下得睡省人事次授以小柴胡湯加生  
地黃二服而熱除不汗而自解矣 一婦人患熱入  
血室證醫者不識用補血調氣藥治之數日遂成血  
結胸或勸用前藥許公曰小柴胡已遲不可行也無  
已刺期門穴斯可矣予不能刺請善針者治之如言  
而愈或問熱入血室何為而成結胸也許曰邪氣傳

入經絡與正氣相搏上下流行遇經水適來適斷邪  
氣乘虛入于血室而為邪所迫上入肝經肝受邪則  
讖語而見鬼復入膈中則血結于胸中矣何以言之  
婦人平居水養木血養肝方未受孕則下行之為月  
水既孕則中畜之以養胎及已產則上壅之以為乳  
皆血也今邪逐血併歸于肝經聚于膈中結于乳下  
故手觸之則痛非藥可及故當刺期門也 虞恒德  
治一少婦夏月行經得傷寒似瘧譫語狂亂諸醫皆  
以傷寒內熱投雙解散解毒湯服之大汗如雨反如  
風狀次以生黃丸金石之藥愈投愈劇一日延虞診

問經

女科

卷一

七



視脈弦而大虞思傷寒內熱狂亂六陽俱病豈不口  
乾舌黑况脈不數病體捫之或熱或靜其腹急痛意  
必有內傷在前傷寒在後今傷寒得汗雖已內傷則  
尚存故也因細問之患者曰正行經時因飲食後多  
汗用冷水抹身因得此證方知冷水外閉其汗內阻  
其血邪熱入室經血未盡血得邪熱乍靜乍亂寒熱  
譫語掉眩煩風須得玉燭散下之而愈下後譫語已  
定次以四物小柴胡湯調理五日熱退身涼其患遂  
瘳衍義云一婦人溫病已十二日診之其脈六七  
至而濇寸稍大尺稍小發寒熱頰赤口乾不了了耳

聾問之病數日經水乃行此屬少陽熱入血室也若  
治不對病則必死乃按其證與小柴胡湯服之二日  
又與小柴胡湯加官桂乾薑一日寒熱遂止又云臍  
下急痛又與抵當丸微利臍下痛痊身漸涼脈漸勻  
尚不了了乃復與小柴胡湯次日但胸中熱躁口鼻  
乾又少與調胃承氣湯不得利次日心下痛又與大  
陷胸湯半服利三行次日虛煩不寧時安有所見復  
狂言雖知其尚有燥屎以其極虛不敢攻之遂與竹  
葉湯去其煩熱其夜大便自通至晚兩次中有燥屎  
數枚而狂言虛煩盡解但咳嗽唾此肺虛也若不治



恐成肺痿遂與小柴胡湯去人參大棗生薑加乾薑  
五味子湯一日咳減二日而病悉愈以上皆用仲景  
方薛立齋治一婦人經行感冒風寒日間安靜至  
夜譫語用小柴胡加生地治之頓安但內熱頭暈用  
補中益氣加蔓荊子而愈後因惱怒寒熱譫語胸脇  
脹痛小便頻數月經先期此是肝火血熱妄行用加  
味道遙加生地黃而愈一婦人因怒寒熱頭痛譫  
語日晡至夜益甚而經暴至蓋肝藏血此怒動火而  
血妄行用加味道遙散加生地黃治之神思頓清但  
食少體倦月經未已蓋脾統血此脾氣虛不能攝血

用補中益氣治之月經漸止一婦人懷抱素鬱感  
冒經行譫語服發散之劑不應用寒涼降火前證益  
甚更加月經不止肚腹作痛嘔吐不食痰涎自出此  
脾胃虛寒用香砂六君脾胃漸健諸證漸退又用歸  
脾湯而全愈  
加味小柴胡湯 治婦人傷風續得寒熱發作有時  
經水適斷此為熱入血室其血必結致如瘧狀  
柴胡 參錢 半夏 黃芩 各貳錢  
生地黃 人參 各壹錢半 甘草 半錢  
作一服水二鍾薑五片棗二枚煎一鍾不拘時服



乾薑柴胡湯 治婦人傷寒經脈方來熱入血室寒

熱如瘧或狂言見鬼

柴胡 壹錢

桂枝 叁分

栝蒌根 伍分

牡蠣 煨

乾薑 炮

甘草 炒各叁分

右水煎服汗出而愈

海蛤散 治婦人傷寒血結胸膈宜服此藥及針期

門元

海蛤

滑石 煨水飛

甘草 各伍錢

芒硝 壹兩

右為末每服二錢用鷄子清調下小腸通利其結

血自散更用桂枝紅花湯發其汗則愈 方見

泄瀉汪石山治一婦經行必瀉三日然後行診其脈

皆濡弱此脾虛也脾屬血屬濕經水將動脾血先已

流注血海然後下流為經脾血既虧則虛而不能運

行其濕今作參苓白朮散每服二錢一日米飲調下

二三次月餘經行不瀉矣 一婦年逾四十形長色

脆病經不調右脈浮軟而大左脈虛軟而小近駛嘗

時經前作泄今年四月感風咳嗽用湯洗浴汗多因

泄一月六月復因洗浴發瘧六七次瘧雖止而神思

不爽至八月盡而經水過多白帶時下瀉泄遂覺右

調經

女科

七十一



脚疼痛舊曾閃脚跟今則假此延痛腎腿腰脇尻  
骨頸項右邊筋骨掣痛或咳嗽一聲則腰眼痛如腰  
札且輕夜重叫號不已幸痛稍止飲食如常今詳月  
水過多白帶時下日輕夜重瀉泄無時亦屬下多亡  
陰宜作血虛論治服四物止痛之劑益甚九月汪復  
診視始悟此病乃合仲景所謂陽生則陰長之法矣  
夫經水多白帶下常泄瀉皆由陽虛陷下而然命曰  
陽脫是也日輕夜重蓋日陽旺而得健運之職故血  
亦無凝滯之患而日故輕也夜則陰旺而陽不得其  
任失其健運之常血亦隨滯故夜重也遂以參朮助

陽之藥煎服五七貼痛減此亦病證之變治法殊常  
故記之

月水不斷婦人月水不斷淋瀝無時或因勞損氣血  
而傷衝任或因經行而合陰陽皆令氣虛不能攝血  
若時止時行腹痛脉沉細此寒熱邪氣客於胞中非  
因虛弱也薛前證若鬱結傷脾用歸脾湯恚怒傷  
肝道遙散汗火妄動加味四物湯脾氣虛弱六君子  
湯元氣下陷補中益氣湯熱傷元氣前湯加五味麥  
門炒黑黃檗儒者錢思習子室年三十餘無嗣月  
經淋瀝無期夫婦異處幾年矣思習欲為娶妾以謀



諸余余謂此鬱怒傷肝脾虛火動而血不歸經乃肝不能藏血不能攝也當清肝火補脾氣遂與加味歸脾道遙二藥四劑送至其家仍告其姑曰服此病自愈而當受胎妾可無娶也果病愈次年生子一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之證肝自病則外證見土受剋則內證作余先以四物加白朮茯苓柴胡炒梔炒龍膽清肝養血次用四君子加柴胡芍藥神麴吳茱萸炒黃連以培土制肝漸愈惟月經不止是血分有熱脾氣尚虛以道遙散倍用白朮茯苓陳

皮又以補中益氣加酒炒芍藥兼服而安一婦人多怒經行旬餘方止後淋瀝無期肌體倦瘦口乾內熱盜汗如洗日晡熱甚皆由肝脾虧損無以生發元氣用參芪歸朮茯神遠志棗仁麥門五味丹皮龍眼肉炙草柴胡升麻治之獲痊一婦人懷抱不舒腹脹少寐飲食素少痰涎上湧月經頻數余曰脾統血而主涎此鬱悶傷脾不能攝血歸源耳用補中益氣濟生歸脾而愈

膠艾湯 治勞傷血氣衝任虛損月水過多淋瀝不

斷

女科

三



阿膠炒

川芎

甘草炙各貳兩

當歸

艾葉炒各叁兩

熟地黄

白芍藥各肆兩

右咬咀每服半兩水煎一方有黃芪

續斷九治月水不斷口乾心煩四肢羸乏飲食減

少

川續斷

當歸

烏鰂骨

黃芪

牛角腮燒

五味子

甘草

龍骨煨研

赤石脂

熟地黄各壹兩

地榆半兩

艾葉

附子

乾薑

川芎各柒錢半

右為末煉蜜丸梧子大每服三十九空心溫酒下

禹餘糧貳兩治久冷月水不斷面黃肌瘦虛煩減食

禹餘糧貳兩

鹿角膠柒錢半粉炒

紫石英

續斷

赤石脂

熟地黄

川芎各壹兩

乾薑

黃芪

艾葉

楮葉炒

當歸炒

人參

白茯苓各半兩

右為末煉蜜丸梧子大每三十九空心米飲下

牡蠣丸 治血海虛損月水不斷

調經

女科

生加



牡蠣粉

赤石脂

代赭石

各壹兩

阿膠

川芎

當歸

鹿茸

續斷

乾薑

各叁兩

甘草

貳錢半

右為末煉蜜丸梧子大每服三十丸空心温酒下

經驗方

治經血不止

黃芩

伍分

當歸

栝葉

蒲黃

各肆分

生薑

貳分

艾葉

壹分

生地黄

貳拾肆分

伏龍肝

拾貳分

右咬咀用米二升煎取八合分二服

又經血不止詩云婦人經血久淋漓舊莖蓮蓬燒

作灰熱酒一杯調入字自然安樂更無疑

又方

蓮蓬殼

拒霜花

貳味分

為末每服二錢空心

米飲調下

伏龍肝散

和劑

治血氣勞傷衝任脉虛經血非時注下

或如豆汁或成血片或五色相雜臍腹冷痛月經

不止

伏龍肝

麥門冬

去心

赤石脂

各壹錢

熟地黄

艾葉

炒各壹錢半

當歸

炒去蘆

川芎

各貳錢半

肉桂

去麤皮

乾薑

炮

周經

女科

七十五



甘草 各半錢

右作一服水二鍾紅棗二枚煎至一鍾食前服

固經丸 治經水過多不止乃陰挾熱所致法當補

陰清熱

黃蘗 參兩

龜板 炙肆兩

黃芩 貳兩

白芍藥 參兩

樗根皮 壹兩半

香附子 童便製 壹兩半

右為細末酒糊丸梧子大每以空心食前白湯下

五七十九

月水不利 良婦人月水不利者由勞傷氣血體虛而

風冷客於胞內傷於衝任之脉故也若寸脉弦關脉

沉是肝病也兼主腹痛孔竅生瘡尺脉滑血氣實經

絡不利或尺脉絕不至兼主小腹引腰痛氣攻胸膈

也薛前證屬肝膽二經蓋肝膽相為表裏多因志

怒所傷若本經風熱用補肝散方見肝血虛用四物

加酸棗仁若腎水不足用六味丸若患諸瘡瘍治是

後

牛膝散 治月水不利臍腹作痛或小腹引腰氣攻

胸膈

牛膝 酒製 壹兩

桂心

赤芍藥

桃仁 去皮尖

玄胡索 炒

當歸 酒浸

調經

女科

七



牡丹皮

木香 各柴錢半

右為末每服一錢空心温酒調下

牡丹散 治月候不利腹臍疼痛不欲食

牡丹皮

大黃 炒各壹兩

赤茯苓

桃仁

生地黄

當歸

桂心

赤芍藥

白朮 各柴錢半

石葦 去毛

木香 各半兩

右吹咀每服三錢水一盞薑三片煎七分空心温

服

產寶方 治女人月經不利臍下氣脹上攻欲嘔不

復

當歸 肆錢

乾漆 去錢炒今煙盡

右為細末蜜丸梧子大空心温酒下十五丸

養榮湯 治婦人血海虛弱心中恍惚時多驚悸或

發虛熱經候不調

白芍藥

川芎

熟地黄

薑黃

當歸

川薑

青橘皮

五加皮

牡丹皮

海桐皮

白芷 各等分

每服五錢水一盞半生薑五片烏梅一箇煎至一

調經

女科

七



蓋溫服不拘時送紫桂丸五十粒

紫桂丸方見帶下

**過期不止**

產寶云男子生於寅寅屬木陽中有陰故

男子得八數女子生於申申屬金陰中有陽女子得

七數男以氣為主八八則卦數已盡盡則陽精痿女

以血為主七七則卦數已終終則經水絕任衝脉虛

衰天癸絕地道不逆而無子矣或勞傷過度喜怒不

時經脉衰微之際又為邪氣攻衝所以當止不止而

崩下也許學士云婦人經脉過期不及腰腹疼痛

或七七數盡而月經下者宜用當歸散治之

當歸散 治婦人天癸已過期經脉不勻或三四月

不行或一月再至腰腹疼痛素問云七損八益謂

女子七數盡而經不依時者血有餘也不可止之

但令得依時不腰痛為善方見前調經平劑條

**竹心丸**

治婦人四十九歲已後天癸當在每月

却行或過多不止用黃芩心枝條者二兩米泔浸

七日炙乾又浸又多如此七次為末醋丸如桐子

大每服七十九空心溫酒送下日進二服

右二方執者宜之

**茸附湯**

補任衝調血氣

乾薑 肆兩

肉桂 去麤皮

附子

經過期 不止為 熱有餘



龍骨生用

防風各壹兩

牡蠣煨

當歸各貳兩

鹿茸叁兩酒炙

每服半兩水二鍾煎八分温服

補中芎藭湯 治風虛冷熱勞傷衝任月水不調崩

中暴下產後失血過多虛羸腹痛或妊娠胎動不

安下血上久

當歸

乾薑

炮各叁兩

川芎

蜜炙

黃芪

甘草

炙

吳茱萸

炮黃

杜仲炒

熟地黄

人參

各壹兩

每服三錢水一鍾半煎一鍾空心服

右二方寒者宜之蓋亦有血海虛寒而不禁者也

薛前證若肝腎虛熱用當歸散肝血虛熱四物加柴

梔丹皮肝火內動小柴胡加山梔丹皮肝火血燥加

味道遙散脾經鬱火加味歸脾湯肝脾鬱火歸脾道

遙兼服肝腎虧損歸脾六味兼服仍與前後月經不

調治驗同用 一婦人年五十內熱晡熱經水兩三

月一至此血虛有熱用逍遙散加山茱萸治之而愈

後有痰作渴或小便不調或頭暈白帶用六味丸而

安

脈問曰婦人年五十數一朝而清血二三日不止何

問經

大

三九



和開曰入平二十錢一樽而散而二三日不五  
其一二血而散平燕用並並錯山菜黃宜之而  
編命經同用一樽入平二十錢而燕煎藥水兩  
蓋兼如刊習諸自溫則六和兼如以與而對其  
和宜滋潤而平燕大和和溫則燕刊刊轉火溫則  
其以史刊火內腫不紫則由山其史根火血熱  
刊刊登苦刊習諸燕用當溫則刊血燕煎四錢  
一樽二錢寒者宜之蓋亦在血燕煎藥水不若

經關

內經陰陽別論云二陽之病發心脾有不得隱曲女  
子不月其傳為風消為息賁者死不治 潔古曰女  
子月事不來者先瀉心火血自下也內經曰二陽之  
病發心脾有不得隱曲故女子不月其傳為風消王  
啓玄注曰大腸胃熱也心脾受之心主血心病則血  
不流脾主味脾病則味不化味不化則精不足故其  
病則不能隱曲脾土已虧則風邪勝而氣愈消也又  
經曰月事不來者胞脉閉也胞脉屬於心絡於胞中  
今氣上迫肺心氣不得下通故月事不來先服降心

經期

女科

八十



火之劑後服局方中五補丸後以衛生湯治脾養血也  
李東垣曰經閉不行有三補前人之闕婦人脾胃久虛形體羸弱氣血俱衰而致經水斷絕不行  
或病中消胃熱善食漸瘦津液不生夫經者血脈津液所化津液既絕為熱所燬肌肉漸瘦時見渴躁血海枯竭名曰血枯經絕宜瀉胃之燥熱補益氣血經自行矣此病或經適行而有子子亦不成而為胎病者有矣此中焦胃熱結也或心包絡脈洪數躁作時見大便祕澀小便雖清不利而經水閉絕不行此乃血海乾枯宜調血脈除包絡中火邪而經自行矣此下焦胞脈熱

結也或因勞心心火上行月事不來者胞脈閉也包脈者屬於心而絡於胞中今氣上迫肺心氣不得下通故月事不來宜安心補血瀉火經自行矣此上焦熱也裴澤之夫人病寒熱月事不至者數年又加喘嗽醫者率以蛤蚧桂附投之曰不然夫人病陰為陽所搏濕劑太過故無益反害投以涼劑涼血和血藥則行矣已而果然

五補丸局補諸虛安五臟堅骨髓養精神

熟地黃

人參

牛膝

酒浸去蘆焙乾

白茯苓

地骨皮

各等分

經月

女科

八七



右為細末煉蜜丸如梧子大每服三五十九溫酒下空心服

衛生湯

當歸

白芍藥

各貳兩

黃芪

叁兩

甘草 壹兩

右為末每服半兩水二盞煎至一盞溫服空心如虛者加人參壹兩

右東垣潔古治血枯之法皆主於補血瀉火也補血者四物之類瀉火者東垣分上中下故火在中則善食消渴治以調胃承氣之類火在下則大小

秘澀治以玉燭之類玉燭者四物與調胃承氣等分也火在上則得於勞心治以芩連及三和之類三和者四物涼膈當歸等分也潔古先服降心火之劑者蓋亦芩連三和玉燭之類後服五補衛生者亦補氣之劑也

素帝曰有病胸脇支滿者妨於食病至則先開腥臊臭出清液先唾血四肢清目眩時時前後血病名為何何以得之岐伯曰病名血枯此得之少年時有所大脫血若醉入房中氣竭肝傷故月事衰少不來也帝曰治之奈何岐伯曰以四烏鯁骨一蘆茹二味并



合之丸以雀卵大如小豆以五丸為後飯飲以飽魚  
汁利腸中及傷肝也腹中詢○王註云烏鰽魚骨主  
痿鮑魚主瘀血河間宜明論友烏鰽骨蕙茹各等分  
雀卵不拘數和丸小豆大每服五丸至十九煎鮑魚  
湯下食後日三服壓以美膳

右岐伯河間治血枯之法

丹血枯經閉者四物湯加桃仁紅花陰虛經脈久  
不通小便短澀身疼者四物加蒼朮牛膝陳皮生甘  
草作湯又用蒼莎丸加蒼耳酒芍藥為丸就煎煎藥  
吞下

右丹溪治血枯大法

薛夫經水陰血也屬衝任二脈主上為乳汁下為月  
水其為患有因脾虛而不能生血者有因脾鬱傷而  
血耗損者有因胃火而血消燬者有因脾胃損而血  
少者有因勞傷心而血少者有因怒傷肝而血少者  
有因腎水不能生肝而血少者有因肺氣虛不能行  
血而閉者治療之法若脾虛而不行者調而補之脾  
鬱而不行者解而補之胃火而不行者清而補之脾  
胃損而不行者調而補之勞傷心而血不行者靜而  
補之怒傷肝而不行者和而補之肺氣虛而不行者  
補脾胃腎虛而不行者補脾肺經云損其肺者益其



謂字一本田作

肝字一本用作

氣損其心者調其榮衛損其脾者調其飲食適其寒  
 溫損其肝者緩其中損其腎者益其精審而治之庶  
 無誤矣 一婦人停食飽悶發熱或用人參養謂湯  
 益甚再用木香檳榔丸泄瀉吐痰腹中成塊飲食少  
 思又肝二陳黃連厚朴之類前證益甚腹脹不食月  
 經不至余以為胃氣虧損用補中益氣加茯苓半夏  
 三十餘劑脾胃健而諸證愈又二十餘劑而經自行  
 一婦人飲食後或腹脹或吞酸彼服積木丸吞酸  
 益甚飲食日少胸膈痞滿腿內酸痛畏見風寒又服  
 養胃湯一劑腿內作痛又一劑腿膝浮腫月經不行

余謂鬱結所傷脾虛溼熱下注侵晨用四君二陳等  
 歸午後以前湯送越鞠丸飲食漸進諸證漸愈又用  
 歸脾八珍二湯兼服兩月餘而經行 一婦人性沈  
 多慮月經不行胸滿少食或作脹或吞酸余以為中  
 氣虛寒用補中益氣加砂仁香附煨薑二劑胸膈和  
 而飲食進更以六君加芩歸貝母桔梗生薑大棗數  
 劑脾胃健而經自調矣 一婦人素有胃火或用清  
 胃散而安後因勞役躁渴內熱肌肉消瘦月經不行  
 余謂此胃火消燦陰血用逍遙散加丹皮炒梔以清  
 胃熱用八珍湯加茯苓遠志以養脾血而經自行矣

經月

卷十

八



一婦人久患瘧形體怯弱內熱晡熱自汗盜汗飲食少思月事不行或用通經丸虛證人具余曰此因虛而致瘧因瘧以閉經也用補中益氣及六味地黃丸各百餘劑瘧愈而經行一婦人久患瘧瘧作則經不行形虛脉大頭痛懶食大便泄瀉小便淋瀝口乾唇裂內熱腹膨蓋由久瘧正氣已虛陰火獨旺用補中益氣湯治之尋愈惟不時頭痛乃加蔓荊子而痛止又兼用六味地黃丸而經行一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦月經不行晡熱內熱

自汗盜汗用六味地黃丸補中益氣湯頓愈一婦人胃氣素弱為哭母吐血咳嗽發熱盜汗經水三月不行余以為悲則傷肺思則傷脾遂朝服補中益氣加桔梗貝母知母夕用歸脾湯送地黃丸而愈一癡婦少寐經水兩月餘一至誤服通經丸展轉無寐午前惡寒午後發熱余以為思慮虧損脾血用歸脾湯作丸午前以六君送下午後以逍遙散送下兩月餘得寐半載經行如期年餘而瘡愈右薛氏治血枯大法以補養真元為主蓋本易水師弟之旨而廣之王道也



下利經  
斷者利  
止自來

有腹痛  
遠嘔為  
汗血老  
瘵

脈問曰婦人病下利而經水反斷者何也師曰但當  
止利經自當下勿怪所以利不止而血斷者但下利  
亡津液故經斷利止津液復經當自下問曰婦人  
病經水斷一二月而反經來今脈反微澀何也師曰  
此前月中若當下利故令妨經利止月經當自下此  
非軀也婦人血下咽乾而不渴其經必斷此榮不  
足本自有微寒故不引飲渴而引飲者津液得通榮  
衛自和其經必復下仲婦人之病因虛積冷結氣蒸證經水斷絕至有歷  
年血寒積結胞門寒傷經絡凝堅在上嘔吐涎沫久

滯

成肺癰形體損分在中盤結繞臍寒疝或兩脇疼痛  
與臟相連或結熱中病在關元脈數無瘡肌若魚鱗  
時着男子非止女身在下未多經候不勻令陰掣痛  
少腹惡寒或引腰脊下根氣衝氣衝急痛膝脛疼煩  
奄忽眩冒狀如厥顛或有憂慘悲傷多嗔此皆帶下  
非有鬼神久則羸瘦脈虛多寒三十六病千變萬端  
審脈陰陽虛實緊弦行其針藥治危得安其雖同病  
脈各異源子當辨記勿謂不然  
丹經候過期不行杜牛膝搗汁大半鍾以玄胡末壹  
錢香附末枳殼末各半錢早調服



大萬病丸 治經事不來繞臍痛

乾漆杵碎炒烟 牛膝去苗酒浸一宿 壹兩

右為末以生地黄汁壹升入二味藥末銀器內慢火熬可丸即丸如桐子大每服二九空心米飲或

温酒下

土牛膝散 治婦人室女血閉不通五心煩熱

土牛膝 當歸尾各壹兩 桃仁去皮麩

紅花各半兩

右為細末每服二錢空心温酒下

當歸乾漆丸療月經不利臍下懸逆氣脹滿見調經門

治月經壅滯臍腹疔痛

當歸 玄胡索

右為麤末每服三錢薑三片水一鍾半煎至七分

去滓稍熱服

當歸散 治血脉不通

當歸 穿山甲炙炒 蒲黃炒各半兩

辰砂另研壹錢 麝香少許

右為細末研勻每服二錢食前熱酒調下

琥珀散 治心膈迷悶腹臑極痛氣急氣悶月信不

通等疾

空男



天台烏藥

貳兩

當歸

莪朮

各壹兩

右為細末每服二錢温酒調下後以食壓之忌生

冷油膩產後諸疾炒薑酒調下

小腸移熱於大腸為伏瘕為沉王註云血澀不利則

聖治婦人月水澁滯不快結成瘕塊筋脹大欲死用

馬鞭草根苗五斤剉細水五斗煎至一斗去查別以

淨器盛熬成膏食前温酒調下半匙本草云馬鞭草

羅血極膏治婦人乾血氣以川大黃為末用醞醋熬

成膏子丸如鷄頭大每服一丸酒化開臨卧温服大

便利一二行後紅脉自下是婦人之仙藥也加當歸

頭

仲婦人經水不利抵當湯主之亦治男子胸臆滿急

有瘀血者方見傷寒

產寶方 治月經不通腹中痛

牛膝 陸分

大黃

桃仁

去皮尖炒

細辛 各伍分

川芎

當歸

各肆分

水蛭 三分 糯米炒黃

右為細末煉蜜丸梧子大每服二十九空心温酒

下

千金桃仁煎

治血積癥瘕月水不行

聖月

大

六



大黃

濕紙裏蒸

朴硝

杏仁

製炒 各取兩

三虫 壹兩 去足 翅炒黑

右為細末醋二升半銀石器中慢火熬膏却入大黃桃仁虫蟲末不在攪度可丸却入朴硝再攪良久出之丸如梧子大五更初温酒下五九至日午取下如赤豆汁雞肝鬚薑衣樣候鮮紅任服仍以調氣藥補之

三稜丸

治婦人經脉不通氣痛帶下兼治血痕

三稜 醋炒

川芎

牛膝

玄胡索

蓬朮 醋炒

蒲黃

菴藺

牡丹皮

芫花

醋炒

白芷

當歸

地龍

去土酒浸炒

乾薑

炮各壹兩

大黃

壹兩為末以米醋熬成膏和藥

右為細末以大黃膏和丸如梧子大每服三五十丸空心醋湯下或紅花煎酒下  
右經一節方七首皆治汚血有熱而經閉前一方輕劑後六方重劑也

**雲**

紅花當歸散 治婦人經候不行或積瘀血腰腹

疼痛及室女月經不通

紅花

當歸尾

紫葳

汚血 有寒

聖丹

女丹

一七



經門

牛膝

赤芍藥 攻兩

白芷 各壹兩

甘草

劉寄奴 伍兩

蘇木

細剉各貳兩

再字本每作

右為細末空心熱酒調三錢服之食前臨卧再服若久血不行濃煎紅花酒下孕婦休服一名凌霄花散即紫葳

牛膝散

見調經門月水不利條

溫經湯

見前調經門

桂枝桃仁湯

治婦人月事不通小腹膨脹疼痛

調經門

牡丹散

見前調經門月水不利條

通經丸

本

治婦人室女月候不通或成血瘕

子清同丸畏漆入腸胃生瘡也

桂心

青皮

大黃

乾薑

川椒

川烏

蓬莪朮

乾漆

當歸

桃仁

製炒各等分

右為末先將四錢用米醋熬成膏和餘六錢末成劑曰中杵丸如桐子大晒乾每服二十九用淡醋湯下加至三十九溫酒亦得空心食前服濟生去川烏加紅花等分

經月



經閉

滋血湯

治勞動致臟腑衝任氣虛不能約制經血

以致崩中或下鮮血或下五色連日不止淋漓不

斷形羸血劣倦怠困乏月水閉絕

馬鞭草

牛膝

荆芥穗 各貳兩

當歸

肉桂

牡丹皮

赤芍藥

川芎 各壹兩

右每服四錢烏梅一箇水二盞煎一盞食前服日

進四五服服至半月或一月經脈自通

右方七首皆治汚血有寒而經閉前四方輕劑後

二方重劑也



